

CORONA  
SEPVLCHRALIS.

~~DE~~ ~~SEPVLCHRALIS~~ SIVE ~~SEPVLCHRALIS~~

DE SERENISSIMI <sup>4243</sup>

ALEXANDRI

~~SEPVLCHRALIS~~ CAROLI ~~SEPVLCHRALIS~~


POLONIÆ & SVECIAE

PRINCIPIS

LAVDIBVS

ORATIO

M. BALTHASARIS STANISLAI PRZY-  
LVSKI P. D.

  
CRACOVIAE,

In Officina Matthiae Andreouiensis, Anno  
Domini, 1635.

*West. bot. 5724.*

BIBLIOTHECA




JAGIELLONICAE


Qui potest fieri ut eius nobis amara  
mors non sit, cuius dulcis fuit vita?  
*Augustinus.*

25438 I

BIBLIOTHECA  
VNFV. IAGELI  
GRACOVENSIS









quodammodo immortalem. Volui Ego Illustrissime Domine, aliquid dignum hominum auribus efficere atq; edere; sed id assequi tarditate, vt par est, non potui: cum hoc tamē, quantulumcunq; est, aut si quid omnino est, sub patrociniū confugio tuum, eamq; Coronam sepulchralem, non ex apio (vt Græcis mos fuit,) at ex virtutibus Serenissimi Principis concinnatam, tuo amplissimo nomini, qua possum animi submissione offero atque consecro. Scio plurimos fore, qui mihi vel inconsultam rationem, vel, crassiori verbo temeritatē, attribuent; quòd esse ausus, de tam sublimi argumento Tibi viro adeò limati & perfecti iudicij quidquam inscribere: sed malui in quoduis horum incidere, quàm seu pro tua in me singulari voluntate, sordidæ ingratitudini suspiciōē dare, seu de eo Principe silere, cuius vitam laudatissimam omnis loquetur sæculorum ætas. Suscipies itaq; Rndissime Domine, hæc exiguam operam meam; & quem toties tueri atque ornare humanissimè es pollicitus, eum à tuæ beneuolentiæ portu securissimo nunquam excludere velis, per ipsam benignitatem obtestor. Crede mihi, permanebunt omnia munifici animi in me monimenta tui, quem ego reuerenti obsequio, & memoriâ prosequi statui sempiternâ. Cracouiæ 8. Februarij, Anno D. 1635.

Illustrissimæ & Reuerendissimæ C. V.

deuotiss. BALTHASAR STANISLAVS PRZYLVSKI P. D.





*Illustrissimo & Reuerendissimo Dño,*  
**D. IOANNI LIPSKI**  
**REFERENDARIO REGNI,**  
**ABBATI WACHOCEN.**  
**Præposito Cracouicē. Regenti maioris**  
**Cancellariæ Regni.**  
**Domino & Patrono Colendissimo.**



*Reuerendissime Princeps ALEXANDER*  
*sepultus est; si modo ille sepeliri potuit, qui,*  
*sicut uiuens suis præstantissimis virtutibus*  
*omnium studia sibi comparauerat: ita iam*  
*mortuus in gratissimorum animis Polonorum conditus &*  
*collocatus hærebit, atq; totius memoriâ Sarmatiæ perpetuò*  
*aletur. Nolo hîc quenquam ex amicissimis Alexandri*  
*nominare; Tu ipse Illustrissime Domine, qui es cultor fide-*  
*lissimus Regiæ domus, quantum tibi ille fuerit cordi, quàm*  
*tu illi, posses clariùs exponere; nisi aut præsens dolor tuâ im-*  
*pedit diret vocē, aut tu modestissimè de te sentires. Verùm ex post*  
*eius obitū præclarâ satis & luculētâ declarasti obseruantia;*  
*cùm ipsius prosecutus es perluētiosū funus: cùm in ipso iti-*  
*nere lachrymas profunderes: cùm item vsq; ad tumultū omne*  
*officij genus præstares, vt nullus omninò in Regiam Sobolem*  
*esse pro-*



esse propensior, nullus obseruantior & officiosior prae te vide-  
retur. Nimirum testatus es, tum vel maxime Rempub.  
florere Poloniam, cum in ea Serenissimi Principes pro sua  
coluntur maiestate. Sed quid ego te solum ob hunc lugu-  
brem actum suspicio & semper & ubiq; talem te praebuisti,  
qualem tua dignitas tam illustris, tantaq; muneris ampli-  
tudo exposcit. Verecundiùs hîc dicerem si meo nunc indi-  
cio uteter, non alieno. Quantò enim tuam maiorem exa-  
perior beneuolentiam; tantò me posse minus de tuo genere,  
virtute ac doctrina dicere putabis. Nunc verò quum Te  
Deus Opt. Max. virum in Ecclesia magnum esse volu-  
erit, & Rex Clementissimus Vladislaus tam recentium,  
quàm anteaactorum in Repub. meritorum tuorum ampli-  
orem cogitet testificationem; dico in te, quasi quoddam in-  
sydus splendens omni virtutù laude, omniù oculos esse con-  
uersos; omnesq; tuam grauitatem morum, sermonis sapien-  
tiam, pietatis ardorem, continentiam, hospitalitatem & a-  
mare, & admirari vehementer. Ipsum meherculè hoc Elo-  
gium Funebre, quo Principem Alexandrum ad o-  
mnem posteritatem cõmendasti, tantam nobis admiratione  
mouit; vt qui modò Alexandrum desisse dolebamus, ite-  
rum in tua maiestate orationis viuere videatur capisse.  
Sic ô Princeps optime, viuis virtutum gloriâ, & quandiu  
hic sol terras aspiciet, viues; & quod tibi immatura mors  
ademit, id suppleant magnorum ingeniorum flumina quæ  
ex mortali homine, laudibus carminibusq; suis te reddunt  
quodam





# ORATIO.



VIXISSET vtinam longiorem vitam Serenissimus Princeps ALEXANDER. Equites Poloni & Rempub. pulcherrimam Patriam omnium nostrum, amplius suo conspectu multò iucundissimo, atque singulari ac verè Regia in bonum commune beneuolentià recrearet. Futurū enim fuisset, vt quēadmodum ille meritorum suorum præclarissima testimonia: ita Resp. virtutū eius fructus amplissimos accepisset. Profectò cum intueremur diligentius, & contempleremur viuētem laudatissimè ALEXANDRVM, capiebamus animo mirifica gaudia, & gratissimè ferebamus. quòd ex tot populis reperi

A

periri



periri vidimus neminem, cui salus ipsius per  
quàm cara non fuerit, cuius non exstiterit de  
eo desiderium incredibile merendi præcla-  
rè. Gratulabatur sibi Respub. vniuersa, a-  
pud se natum ac educatum Principem, qui  
bellicosos Scipiones, eximios Paulos, Pom-  
peios gloriosos, Lescos illos egregios, Bole-  
slaos primos. Iagellones, aliosque innume-  
rabiles bonos & salutares Poloni sanguinis &  
Romani Heroas sedulâ imitatione, quantū  
ætas sua patefetur, rudibus adhuc armo-  
rum annis exprimere esset conatus. Gau-  
debat Senatus. potuisse cum videri, quasi  
alterum Traianum; à quo & pacis ornamen-  
ta retineri, & belli pericula animosè repelli,  
& omniâ quæ sunt in imperio, atque in sta-  
tu ciuitatis defendi ac stabiliri optimâ ratio-  
ne summaque facilitate valuissent. Exulta-  
bat populus, cum oblatum & datum suis re-  
bus fuisse, quem natura ipsa ad libertatē pro-  
priam generis ac nominis Poloni. tuendam,  
ad oti-



ad otium cum dignitate seruādum. ad continentiam, grauitatē magnitudinem animi, iustitiā fidē, ad cēteras deniq; virtutes, studia conciliantes omnium, & admirabilem ac pergratam cumvtilitate honestatem habentes, magnum hominem & excelsum finxisse videbatur. Adextremum cuncta militia Sarmatica reuixisse sibi ALEXANDRVM, letabatur, nō modò nomine, sed reipsa magnū, cuius aliquādo auspicijs, sperauit fore, vt ferocientes barbarorum incursiones, eorundem stratis intercluderet cadaueribus, atque anniuersarium in nos cōderceret furorem. Ita præstantissimo Principe viuente, nullus ordo, nulla prouincia, nullus populus fuit, qui non aliquā spe maximarum in Principe ALEXANDRO virtutum aleretur. Sed ecce lugubrem rerum permutationem, dum ægrè inter homines apparuisset florentissimus; propè idem dies, qui eum ostendit, idem ipse nobis subduxit lu-

et uos. Extinctus enim ille, qui futurus  
erat Patriæ libertatis propagator, Religio-  
nis defensor, innocentiae tutor, ultor scele-  
rum, metus malorum, gloria bonorum,  
fulmen terribile hostium, omnisque publi-  
ci commodi fidelissimus amplificator. Ex-  
stinctus ille, in quem exteræ nationes, velu-  
tinon ad niuolum Septentrionem natum,  
sed cælo diuinitus datum oculos conuer-  
terant; tum demum firmitus credentes, exi-  
stere homines Polonos ad amplitudinem;  
& gloriam progenitos; tum spem concipi-  
entes, ALEXANDRVM fore dignissimū, cu-  
ius sapiētiae, fidei, potestatiq; omnis Reipub.  
dignitas, aræ, foci, bona, fortunæ, omnia  
amplissima committenda credendaque vi-  
derentur. O spes fallaces, & inanes homi-  
num Principumq; cogitationes! o fluxam;  
caducam, & instabilem mortalium conditi-  
onem! Quàm citò illa omnia ex lætitia &  
voluptate ad fortunam miserā & luctuosam



reciderunt; ut qui, paulò antè formæ heroicæ, ac heroicarum virtutû gloriâ facile alios superasset, retineret repentè nullum vestigium pristinæ venustatis. Quid ego in hoc tanto dolore animi dicam? aut quem tantæ acerbitalis consolatorem quæram? Regemné Potentissimum? at is ipse nequit cùm frater amantissimus atque optimus est à sua diuulsus maiestate (quē ne nūc quidem sine gemitu cōmemorare potest) inficiari se esse hominem, & communem naturæ sensum repudiare. An reliquos duos Principes Serenissimos? at illi distracti ab ultimo complexu fratris charissimi, eius funus, suum, præ lachrymis, funus arbitrantur; nec sibi Stoicam asciscunt sapientiam; quasi ferreum & immobilem in turbidis rebus consistere terminum, omnemque animi duritiam in casibus infestis perferendis (sicut corporis, quod cùm vritur, non sentit) stuporem potius, quàm virtutem repu-

tant. An Senatum diuinâ & humanâ clarif-  
simum sapientiâ appellabo? verum & hic  
dolet non mediocriter, atque acerbè susti-  
net, interijisse eum ALEXANDRVM, quem  
toties ex amore & honore, aut nunquam  
nasci, aut nunquam mori debuisse, procla-  
mare non dubitauit. Quid igitur? Ad vos,  
ò Poloni Equites, omnis mea conuertitur o-  
ratio, à vobis solatium, fauorem petit à vo-  
bis; non quòd non simili afficiamini mæro-  
re, in doploranda tanti Principis ruina; sed  
quemadmodum ille statuerat vestram vo-  
luntatem, & Reipub. dignitatem, & salutem  
prouinciarum suis omnibus commodis &  
rationibus præferre oportere: ita vos hoc  
tēpore immortalem eius gloriam iucundâ  
necesse est prosequi recordatione. Et quod  
vel primum est, me, quicquid operâ. stu-  
dio, labore, diligentia, quicquid facultate  
exigui ingenij, dicendi mediocri exercitati-  
one aut disciplinâ possum: id omne ad re-  
colen-



colendam spectatissimam ALEXANDRI  
optimi vitam ad celebrandam illustribus en-  
comijs ipsius indolem, ad recordationem  
suauissimam virtutum eius eximiarum, in  
hac Corona sepulchrali libentissimè defe-  
rentem, æquissimis animis quæso obtestor-  
que audiat.

Enimuero cum tantum Principem, è vi-  
ta sublatum luctu & squallore orbitatis ob-  
siti cernimus, atque tam grauem nobis,  
tam insignē illatam percipimus iacturam;  
nimis acerbo & misero spectaculo, nimis  
funesto tristisque exemplo, vis ac fortuna  
vt ita dicam, fatalis ostendit, neminem esse,  
ita communi naturæ lege exemptum, quem  
mortalitatis dura prætereat necessitas. Nā-  
que si quid in mundi vniuersitate, ab hac im-  
mutabili fatorum serie liberum ac solutum  
foret; quis, obsecro, vel generis, vel natu-  
ræ, vel proprijs ornamentis ac suis, vel vlla  
pulcherrimarum rerum luce præstantior.  
cam

eam certius immunitatem fuisset consecutus, hoc ipso ALEXANDRO Principe? quum nullius tanta sit eloquentia, nullum tantum flumen lætissimorum verborum, nulla sententiarum tanta vis, tantaque claritas, quæ se amplissimis illius virtutibus, atque animi dotibus inusitatis, digna elogio facere possit confidat. Ac in primis ALEXANDER summa dignitate Princeps. auis, proavis atavisque ortus Regibus fuit. ijsque Regibus, cum quibus in vniuerso terrarum orbe, vix aliqui, seu magnitudine animi & fortitudine, seu pietate in Deum Max. & rerum gestarum gloriâ comparari queunt. Nec credibile est, quempiam eiusmodi tam imprudentem vel impudentem potius in consequenti posteritate futurum, qui plures à superis tales & tantos maiores tacitus audeat exoptare; quales & quanti huic Principi in vitam venienti, & nihil adhuc cogitanti contigerunt. Non repeto memoriam



riam illius Diui Regis Iagellonis, cuius admirabilis regnandi sapientia erat non Sarmatię modò, sed cunctorum nationum imperio digna. Cuius si pietatem consideres omnibus sæculis prædicandam, primus è Lithuania fortium virorum feracissima regione, inueteratam idololatrię superstitionem penitus cum fibris suis euulsit, atque à turpissimi cultu sui Percuni, ad templa & aras purissimę Religionis adduxit. Si studia in Rempub. nostram æternâ immortalitatis laude cōsecranda; hanc antè feram & indomitam, omni literarum genere ac Musis ipsis tam Latinis, quàm Atticis expoliuit, conditoque Cracouię Lycæo, de quo tanquam ex equo Troiano innumerabiles viri, virtute, ingenio, doctrinâ florentes semper prodeunt; Sarmatas ab agresti, ad ciuilem, ab immani ad mitem, à barbara ad doctam, ab humanâ denique vitâ ad diuinam vocauit. Si postremò animi excelsi atque inuicti

B

robur;

robur; ingentes hostium & firmissimas de-  
leuit copias victorias atq; triumphos retulit  
varios & infinitos, tropheæ gloriosa de pugnis  
felicissimè pugnatis victor cōstituit multa  
solusque inuentus est, qui in acie, vno fu-  
sis prelio. confectisque Germanorum quin-  
quaginta millibus, Germanos à Polonis do-  
cuit auspiciatò posse debellari. Pretereo  
Vladislauum dignissimum filium patre Iagel-  
lone. ac imperij successorem omnium a-  
cerrimum, qui cū maiori virtute, quàm  
ætate, animo præstantiore, quàm corpore  
robustiore fuisset; rexit duo Regna amplif-  
sima Poloniæ atquè Vngariæ, summa & in-  
credibili dexteritate: ac tandem cū illo-  
rum apud Varnam ageretur salus, memor  
Poloni sanguinis, oblitus sui, animosior De-  
cio Romano in confertissimas Amuratis co-  
hortes sese immisit. ibi que est pro breui &  
mortali conditione, vitæ æternitatem con-  
secutus. Missum facio Casimiriū fratrem

cuius



cuius fortissimum iustissimumque Regem; à  
quo si non Mahometes Turcarum Tyran-  
nus esset ex Valachia expulsus; non Prussia  
& Pomerania maximo bello perdomita;  
non Moschouia debilitata; Scythia sæpè re-  
pressa, pax postremò, otium ac tranquillitas  
armis atque legibus in suo regno diligenter  
custodita: tamen sola beatissima proles Ca-  
simirus in Diuos relatus, satis esset ei ad com-  
mendationem, ad gloriam perpetuam ce-  
lebri fama vbiq, proferendam. Verùm Di-  
uorum Prædecessorum recensendis trophæ-  
is, huius Serenissimi ALEXANDRI virtu-  
tes meam auocant orationem, quæ ad hunc  
ipsum Principem tota festinat velocius. Mit-  
to celeberrima aliorum Regum merita &  
beneficia, cùm illis pro debito ornandis  
nec tempus, nec locus sufficiant. Sigis-  
mundum primum sileri patior virum om-  
nibus tam bellicis, quàm religionis lau-  
dibus cumulatum, qui cùm tot annis & in

tanta orbis perturbatione faustissimo omi-  
ne summa Reipub. præfuisse, bellaque ge-  
nere maxima, contentione laboriosissima,  
dimicatione difficillima, complexione par-  
tium implicatissima, temporis diuturnitate  
longissima confecisset; meritò Sueci, Bohe-  
mi, Vngari admirati in eo istiusmodi virtu-  
tem, expetebant ad sua regna suscipienda:  
Poloni cum Silesijs grauitatem amabant &  
constantiam singularem; Barbari Scythæ &  
Germani ad nominis eius celebritatem fa-  
cti quietiores compositis armis potentiam  
cum felicitate iunctam reuerbantur: Ta-  
ceo Sigismundum secundum maximi Regis  
magnam progeniem qui cū in maximis  
fluctibus Regnum hoc feliciter tractasset,  
procellas in nauem Reipub. incumbentes,  
distractis Lithuaniae & Sarmatiae ad inui-  
cem studijs, tam dissentientem animis &  
moribus & sermone populum iisdem legi-  
bus & libertatibus sedauit, vniuit. Omitto  
& illum, quo Patre natus est ALEXANDER.

Prin-



10  
Princeps Sigismundum hoc nomine tertium Regem inuictissimum, verè Patrem Sarmatùm, terrorem hostium, belli firmamentum, pacis ornamentum, præsidium stabilitatis decus & splendorem nostræ dignitatis; ita vt quæcunq; lumina in templis, quæ in foro, quæ in regno ac in moribus versantur Polonis, hæc omnia accepta referre debeamus prudenti, pio, benefico, atque clementi Sigismundo. Silco VLADISLAVM quartum potentissimū Monarcham, quē ille fratrem sortitus erat, nobis mirifica Dei benignitate, ad id Regnum florentissimum Europæ propugnaculum seruandum, ad illibatæ domicilium libertatis fouendum, ad noua condenda imperia donatum; in cuius laudum comparisonem quisquis es, da mihi Agesilaum, da Cyrum, da Pyrrhum, da Alexandrum; da Cæsarem ipsum Iulium, Octavianum Augustum, da omnium gentium, omnium sæculorum, omnis penè me-

memoria Reges, Principes, Imperatores; ego  
quidem illos omnes bello claros, pace iu-  
stos, consilio graues, animo generosos exti-  
tisse fatebor: VLADISLAO tamen quar-  
to, tantâ sapienciâ, tam inusitatâ inauditaque  
fortitudine, tanto in summa potestate re-  
rum omnium modo, tam denique incredi-  
bili iustitia, ac propè diuina clementiâ Re-  
gi, pares nulla ratione affirmare possum.  
Non commemoro igitur Regiæ huius stir-  
pis ornamenta, quæ etsi in ipso ortu tam  
magna vidistis, vt maiora forsân esse haud  
possint; ea tamen quasi aliena putauit, nisi  
de suis clarissimis factis lumen Patriæ attu-  
lisset. Equidem istorum periucunda me-  
moria luctu animum languentem excitat,  
vocem & linguam dolore non mediocri in-  
terclusam soluit, & restituit; vt vehementer  
cuique dubitandum sit maiorumnè præcla-  
rissima facinora & innumerabilia, an ipsius  
laudes pulcherrimas sibi ad imitandum pro-



ponat. Habet enim Heroica & excellens  
virtus, Equites Poloni, vt non tantum in Fa-  
bio, Catone, Annibale, cæterisq; , qui fuere  
senes, sedē collocet suam; verum multo etiā  
splendidiùs eluceat in Mucij Scæuolæ, in Sci-  
pionis Africani, & M. Bruti, iuuentute; ma-  
gisq; Pompeio magno faueat adolescenti de  
Africa & Hispania, de Mithridate & Tigrane  
opulentissimis Regibus, bellicosissimis na-  
tionibus magnificè triumphanti, quàm ei-  
dem senī in campis Pharsalicis maximè at-  
tonito, & de potestate rationis quasi detur-  
bato turpiter & ignominiosè fugienti. Ita-  
que & Princeps Alexander, in eo quamuis  
ætatis flore tam eximio ad commemoran-  
dum, tam grato ad audiendum; tam iucun-  
do ad cogitandum ex hominibus abiisset:  
nihilominus ita in se perfectam & ad sum-  
mū perductam possidebat naturam, vt si nō  
maior maioribus suis, at liberalitate inge-  
nij, dexteritate, & altitudine animi, & af-  
fectu

fectu Patriam in communem æqualis certè  
fuisse videretur. Etenim quæ monumen-  
ta atq; genera honoris illos meruisse dicetis,  
inter quorum laudes non ego locum huius  
peraugusto nomini ostendam? An illam Ia-  
gellonis optimi & diuini Regis, erga hone-  
stissimarum artium disciplinas, nunquā satis  
celebrandam mentem & voluntatem, illū-  
que cælestem quendam animi impetum ad  
colendas literas atque ad proferendos hu-  
manitatis fines, desideratis? ast cū illu-  
stre ingenium à natura & velox & acu-  
tum ALEXANDER accepisset, non in volu-  
ptatum illecebras pessimam pestem iuuen-  
tutis, non in amorum & deliciarum blandi-  
menta, quibus facilè virtus sopitur, non in  
spoliādam deniq; pudicitiam alienam con-  
tulerat illud: sed hominum integerrimo-  
rum, probatissimorum, antiquorum more,  
prudentiam matrem & oculum omniū vir-  
tutum tam sagaci operā, tam acri sedulitate,  
tam



ita studio incitato, ita animo indagare, ita visu aucupari, ita conseruare memoriâ solitus erat, vt prudentem esse, quàm Principem, magis ætati suæ decorum ac honorificum iudicaret. Testatur id copiosè eius doctrina, quam monitis & prouidentia Patris Regis sapientissimi, naturâ suæ imperio regali aptâ, præceptis atq; institutis, benè viuendi magistrorum per ceperat; non argutulam illam, & nihil agentē, sed utilem & expedientem, non ad pompam aut speciem, nec vt nomine magnifico segne otium velaret; sed quò firmitus contra fortunæ tela præsidiumsumeret, quò officium Principis ac munus, vultum, incessum, habitum componeret humaniùs, quò mentem, linguam ac rationem propriam ad verum ornatum vitæ, ad Reipub. propagationem cum maiori laude dirigeret. Testantur colloquia, initaq; consuetudo, cum clarissimis & eruditissimis viris, qui miram grauitatem, & magnarum rerum cupiditatem iniuene obstupefcentes, omnia dicta  
libro C eius

eius, omnia quæ sita audiebant de moribus popu-  
lorum, de vitis Regum, de robore hostium,  
de factis veterum, de legibus & administratio-  
ne omni Rerum publicarum. Testatur tempo-  
rum, locorum, hominum, rerum gestarum na-  
uiter ab eo & quotidie monumenta tractata,  
ex quorū amæna lectione, veluti ex fonte quo-  
dam atq; totius honestatis radice profluere aie-  
bat illā verissimam disciplinā & exercitationē  
ad res ciuiles, hauririq; cognitionē fructuosissi-  
mam, quæ sint bonum virtutes, & improbo-  
rum vitia, quæ vitæ humanæ mutationes, & re-  
rum in ea conuersio, quæ itidem mundi huius  
inconstantia, & præcipites ac fatales imperiorū  
casus. Quid aliud egisse opinamini Sigismun-  
dos illos, primum, secundum, tertium, Reges  
Polonię gloriosissimos, quorum illustres sentē-  
tiæ acutæ sanè & multæ nō minus herculè, quā  
ipsæ actiones, habent admirationis? O te be-  
atam Poloniam, ô ter quaterq; Sarmaticam fe-  
licem Aquilam! cuius nobilissimæ propagini,  
nihil



nihil aliud agere, nihil loqui, nihil cogitare libet, nisi quod verè sit, aut in alto & excelsò positum, aut cum laude & præstanti gloria cõiunctum, aut longè latèq; Reipub. promouens felicitatem. Equidem nō est mei ingenij talia explicare; te modò felicem hoc nido Aquilam, felicē tanta stirpe Poloniam, quoad vita mihi, non desinam proclamare. Quo nomine & tu faustissimus es (te enim iam appello) Princeps ALEXANDER, cuius adolescentiam augustis in penetralibus Regionum parentum educatā, in turbulentissima fluctuantis ætatis tempestate constitutam, inter honorum omnium ornamenta, inter fastum & pompam, vno verbo, inter regalem opulentiam & blāda animorum oblectamenta, nullæ Syrenes perniciosæ voluptatis cõciliatrices valuerant reuocare, nulli inhibere Syrtes, nulli retardare vortices, nulli scopuli remorari; quò minùs lumine literarum animum tuum illustrares, atq; ad virtutum Pharon clarissimā lampade insignem securus peri-

culosi naufragij enatares. Non rarò alij ab hac moderationis & honestatis deflectunt orbita, atq; per omnia vitæ blandimēta, aut famā aut admirationē quærunt: tu spreto abiectoque omni genere voluptatum, sine vlllo casu, sine prolapsione iuisti gloriosus viâ decoris, viâ dignitatis. Aliorum fuit totos se ad omnem viuendi licentiam dedere & proijcere: te annalium monumenta iuuabāt pariter & oblectabant in vniuerso tuæ vitæ cursu; te in exemplis tanquam in speculo ornare & componere solebas ad illustrium virorū optimas actiones; tu pudorem, continentiam, frugalitatem, fidelibus adhibitis animi custodibus ratione & bonarum artium disciplinā integrè conseruabas; deniquè cū in gyrum freno circumageres equum, ipse prius tuas refrenabas cupiditates; virilis antè annos specimina fortitudinis exhibebas, exercitatione militari tuis victorijs consequentibus præludebas, & inter æquales (si quispiam fuit tibi æqualis) magno ausu futuros ali-



ros aliquando triumphos metiens, vnum ani-  
mi, non nisi maximi concipiebas votum, hye-  
mes agere sub pellibus, æstates inter bella suda-  
re, dies noctesq; præliando aut vigilando con-  
sumere, grauissimas pugnas quacunq; terrâ su-  
bire, omnes acerbitates, omnes sollicitudines  
perferre vt fortiter ita libenter, dummodò tu-  
is laboribus Senatui populoque Sarmatico di-  
gnitas, fortunæ, libertas, salutq; augeretur. O  
crudele nimium & acerbum fatum, quod te  
Principem tanti animi, tam immaturo funere  
& in opportuno abstulit Reipub. Polonæ! In  
te enim vnum quoties ora atq; oculos conuer-  
teramus: toties de virtute, dignitate, existima-  
tione maiorum tuorum cogitabamus, toties  
nobis intuentibus Chobri, Criuousti, Crispi,  
Pudici, Lesci Albi, Loctici, toties Iaggellones,  
Vladislai, Casimiri, Sigismundi aui atauiq; flo-  
rentissimi tui veniebant in mentem. Tu vi in-  
genij solertissimus, in aduersis patientissimus,  
in secundis moderatissimus, laboriosissimus,

temperatissimus fueras; ut quot prata floribus,  
quot stellarum ignibus ille orbium æther est  
vermiculatus, tot in celsitate tua versari, &  
quodam pacto residere excellētium genera vir-  
tutum crederentur. Quæ cum essent gra-  
tiores à fronte illa erecta & serena, ab oculis  
clementiam & grauitatem spirantibus, à vultu  
venusto, à tota illa decentissima statura venien-  
tes tuâ; nunc te in eo ætatis flexu, ita insperatè  
extincto, gaudia vniuersa, gratulationes, lauda-  
tiones, luctu, mœrore, gemitu, sordibus & squa-  
lore sentiūt interclusa esse: nunc inquam ( non  
aliter, quàm de Numero vate querebātur Mu-  
sæ, quòd illas ab arcana sua cella euulsisset ) il-  
læ cum iniquissimis expostulant fatis, quoniam  
cas à te suis delicijs, suis ornamentis exclusè-  
rint; quoniam cas ab amænissimo & formosif-  
simo tui corporis domicilio extorserint, able-  
garint. Ita sanè Equites Poloni, non modò  
humanis pectoribus, sed ipsis etiam integerri-  
mis virtutibus, si quis eis affectus est, ex hoc  
interitu



interitu deplorando, triste tempus & calamitosum euenit. Verùm ad illud, vnde grauioris acerbitas mæroris nos deduxetat redeamus; & queramus, quænam istæ præter hanc egregiam animi pulchritudinem & præclaram probitate ingenij-indolem in nostro Principe lucebant virtutes; quibusque tantoperè patrimonium gloriæ sibi à maioribus relictum & tueri & ornare consueuerat? Atque hîc profectò dicent alij, quibus vberior dicendi facultàs tributa est, religionem Patriam, atq; cæremonias sanctissimas tantâ veneratione & mente & voluntate ab eo cultas, vt nihil melius, nihil religiosius, nihil item dignius esset, cui ista lumina incensæque faeces, isti ignes, qui signa sunt atque notæ illius ignis diuini & reconditi; quo fides ipsius ardebat in Deum ad vltimū vsq; spiritum; charitas autem ipsa sese effundebat erga omnes nullâ vnquâ perfidiâ violata. Cōmemorabunt amabilem modestiam, placabilitatem, mansuetudinem, comitatem, verecundiam

diam grauitate aspersam, lenitatem, benignita-  
tem in vniuersos, aliaq; illius planè incredibilis  
indicia humanitatis, clemētia, quæ Cæsarem  
apud suos Deum fecit, quæ Augustum conse-  
crauit, quæ Antoninū in primis pij nomine lau-  
dabiliter adornauit. In summa, quandiu Aquila  
Polona acerrimum sensum oculorū sole pa-  
scet immortalis gloriæ: quandiu gloriosis fa-  
ctis, quasi pennis præpetibus hanc nimis ab-  
iectā & humi repentem mortalitatem trāscen-  
det: tandiu magnitudo illa & excelitas animi  
ad facienda & patienda fortia prognata, omni  
laude, prædicatione, literis, monimentisq; de-  
corata vigebit infinitæ memoriæ posteritatis a-  
lêda. Ego verò interea Equites Poloni ipsam ei⁹  
exterorū peragratiōem, quam in ditatas sus-  
ceperat Italiæ partes, cuiusmodi fuisse affirmo,  
cuius similem antè hac ex prudentissimis qui-  
busq; scriptoribus aptius & artificiosius verbis  
depingere, potuit nemo. Nam quæ vis alia, nisi  
publicæ rei incredibile studium ornandæ inflā-  
mauit



mauit ALEXANDRVM, vt posthabitis & neglectis cōmodis priuatis, atq; domesticā tranquillitate, in exteras prouincias tantam longitudinem itineris, tantam asperitatem viarum prompto & alacri subiret animo? Nunquid cum peregrinæ illexerant illecebræ, vt earum perniciosas pateretur incantationes? at comperit habuit, quàm voluptates blandissimæ dominæ sæpe maiores partes animæ à virtute detorquent; & quàm turpem in modum Annibalem indomitum illum niuib; atque Alpibus virum fomenta Campaniæ eneruarunt. Germanicas cernere concanationes & conuiuia studebat? at ingenium potiùs, & subtilitatem, & magnos erectosque animos in illis habitantes locis suspiciebat. Hispanicum fastum & Africanum supercilium notare auebat? at istam pestem peruersi iudicij aurâ blandientem omninò reiecit, celsaque non efferrî fortunâ, optimæ menti commendabile semper putauit. An leuitas & vanitas indita Gallicis cum impulerat? at virtutes modò tot or-

D

beno-

bē notissimas in his gentibus maluerat, quā  
maculas animorum imitari. An iuuenilis ar-  
dor, & quædam exultantis ætatis incōsidera-  
ta temeritas? at quid illius, quæso, cogitatis  
gravius, morum temperatione constantius, &  
moderatus habebatur? fortassis illi, si dulcis  
peregrinatio, amara fuit Patria? amantissimus  
ipsius erat: fortasse regimen Reipub. non pro-  
batum est? imò de tot Rebuspub. nullum præ-  
ter Polonum, legum autoritate, administrati-  
one, libertate, maiestate florentius ac felicius  
vltum ei fuerat imperium. Discesserat igitur  
in exteras prouincias non vt præcipuè artifici-  
osorum amœnitatem hortorū, non vt riuulos  
gelidarum aquarum suauiter per occultos tu-  
bos vel in summū collis iugum crumpētes, vel  
in organorum musicorū fistulis sonum edētes,  
reliquasq; pellucidi ac murmurantis fōtis blan-  
ditias videret: sed vt maximarū rerum omniū  
vltu, summaq; peritiā agēdi instruct? ad regni tu-  
cēdā accederet incolumitatē: discesserat, inquā,  
ne virtus eius in tātum excreescens vnus impe-



rij cancellis circumdaretur; verum in lucē om-  
nium gentium prodire voluit; & quasi satis in  
hac Repub. didicerat, orbē vniuersum tanquā  
famē suā gloriosum theatrū habere cupiebat;  
illamq; cōsentientem bonorum omnium de  
virtute ac morum præstantia suorum existima-  
tionē per diuersas celebriter propagare natio-  
nes. Scilicet diuinæ istę, & pretiosis dotibus  
exaggeratæ mētes cælum imitantur, & gaudēt  
perpetuo motu; atq; sicut sol Dux & Princeps  
& moderator luminum reliquorū, vnā nō cō-  
tentus plagā, in omnes etiam remotissimos lo-  
cos dissipat radios suos, & cuncta lucis face lu-  
strans ac cōplens in omni viuētium genere cō-  
citāt sui amorē: non dispari ratione virtus illius  
splendorē suum ad longinquas regionum par-  
tes effundens, speculum quoddā orbis, & cæli  
deliciū apparebat. Memorare in præsetiā pos-  
sem, quā dum per ciuitates exterorum profi-  
cisceretur, non ætas quenquā, non valetudo,  
non sexus retardauit, quo minus omniū in se  
conuerteret admirationē. Possem exponere,

add

D 2

quemad-

quemadmodum Cæsar inuictissimus Ferdinā-  
dus secundus sceleratissimarum euerfor cōspi-  
rationum, & Beatissimus ac potens supra om-  
nes potētes Pontifex Urbanus VIII. (quos sum-  
mæ & propè diuinæ venerationis causâ nomi-  
no) ipsum honore, dignitate, gratiâ, liberali-  
tate, non secus ac si ille non humanam sed cæ-  
lestē aliquam repræsentaret progeniē, tracta-  
runt. Explicare possem, quanto studio paruuli  
noscendo, iuuenes ostentando, admirando se-  
nes, omnibus occupationibus reliētis ad con-  
spectum eius concurrebant; quàmq; iucundū  
erat illum videre cunētis, gloriosum comitari,  
loquentē audire exoptatum, alloqui familiari-  
ter & amicē, in magna parte positum felicitā-  
tis. Verū hęc omnia quæ cum multa & di-  
uturna delectatione percipi potuissent, tacitū  
præteribo, libenq; hanc tantam tamq; vber-  
rimarum laudum segetem patiar in vestris po-  
tius cogitationibus reliētā, quā in mea ora-  
tione minū dignè & appositè diffusam reside-  
re. Illud tantummodò dicam, cū nō ē

libris.

libris solum, sed ex peregrinandi ratione in ijs  
omnibus, quæ Principi cum decore obeunda  
sint, affatim imbutus esset; cùm inde, non si-  
cut ille, qui in Regis Macedonis aula tantùm  
eius saltationes obseruârat; at Solonem, Vlyss-  
sem singularem humanę prudentię imaginem  
imitatus multarum Prouinciarum & urbibus  
& institutis varijs, ritibusque spectatis, sese re-  
cepisset; cùm optatissimo reditu suo Regnum  
vniuersum iucundâ perfudisset lætitiâ; cùm  
itidem virtus eius fastigium attingens, quan-  
tum publico rerum statui prodesse posset, ne-  
mo ignoraret: illud restabat vt in luce Polo-  
loniæ atque in oculis ciuium versaretur, quos  
summo opere amabat: vt artes exercitationesq;  
suas palam faceret militares, & maiorum suo-  
rum vestigijs insisteret, qui ab ipso in dies sin-  
gulos magis magisque illustrarentur. Igitur  
vnâ cum Serenissimo Rege aduersus Ottoma-  
nici Tyranni immanitatem, tanquam contra  
superstitionem, scelus, flagitia, dementiam, te-  
meritatē, contra belluâ illam Asiaticam auda-



cissimâ spe atque cupiditate Sarmatiæ immi-  
nentem; religione, pietate, constantiâ, omni-  
bus armatus virtutibus profectus est. Atq;  
vt referunt, olim ab antiquis Celtis ruenti è  
nubibus tempestati, & præcipitatis ex alto  
monte torrentibus, scutatam sinistram & ga-  
leatum caput fuisse obiectum: sic Princeps  
hic ALEXANDER, non Celtarum barbaro-  
rum, sed Diuorum Sarmatiæ Regum magna-  
nima & generosa proles; appropinquantibus  
turbidis Turcarum Lunis, conspiranteq; in  
nos eorum feritate, & iam in limites nostros  
formidolosissimè influente: omnè belli mo-  
lem vel capitis sui periculo sustinere optabat a-  
nimosè. Quod satis dignum tanta virtute præ-  
conium reperiemus Equites? Felicemné Re-  
gem? illi futurus vel plus erat, quàm Philippo.  
Parmenio, quàm Cyneas Pyrrho, quàm Zopy-  
rus Dario. Felicemné patriam? præsidium ac  
dulce decus ei allaturus. Felicemné militiam?  
alterum Philopæmenem siue Quinctium Fla-  
minium in sua vêturum castra augurabatur.

sed

sed

Sed ecce dum omnia verè per ipsum recreari  
ex metu viderentur, & benigniore fato esse; in  
ipsa suscipiendorum pro patria periculorum  
meditatione excessit. O fortuna, quàm sem-  
per tui similis es, quàm sèper tuis ludicris blan-  
dimentis, ærumnarum aliquid admisces; nec  
omninò quidquam esse pateris in rebus mor-  
talium, tam faustum; tam speciosum, quod tu  
non aliquà deformes calamitate! O natura  
non mater sed crudelis nouerca: tu cæteris a-  
nimātibus vitam tribuis longissimam; modò,  
verò Principē præclarissimū in tanta breuitate  
annorū, in tāta dierū paucitate ausa es ex aspe-  
ctu eripere viuorum. Dederas ei laudatissimas  
quasq; dotes: concesseras formā corporis, ne-  
dicam, raram in regia domo; cur ergo in tuum  
tantopere sæuisti, munus? cur si atrocitatem  
mutare non poteras, mediocri incōmodo cō-  
tenta non fuisti: cum præsertim tanti non sint  
vel vniuersa tua munera, si tam chari capitis  
iacturā fuerunt luenda? Claudius olim Mar-  
cellus, dum Syracusas maximam Græcarum  
urbium

urbium pulcherrimamq; omnium diuturna &  
gravi obsidione cepisset, dumq; præceps &  
insolens victoris militis audacia vnam urbis re-  
gionem inflammasset: non potuit misericors  
imperator illud incendium siccis oculis intu-  
eri, sed ita lachrymans effatus dicitur: vtinam  
caligarēt oculi, ne tam triste viderē spectaculū.  
Nos tandem, Equites Poloni, in multò graui-  
ori casu, in huius & tanti Principis interitu,  
quid faciemus? quas voces edemus? quo do-  
lore & gemitu mortuum prosequemur? De-  
tractum est pulcherrimum vitæ ornamentum,  
ademptum præsidium, sublatum solatium in-  
gens; solus hîc restat nobis dolor, mæror ac  
gemitus, sola miseriarum luctu afflictarū ad-  
est perpessio. Iacet heu nostra lux, nostrum  
desiderium ALEXANDER: iacet inclusus per-  
angusto breuiq; conditorio, totus ad glo-  
riam, ad res maximas natus, ad vtilitatem pa-  
triæ, ad splendorem Reipub. factus, ad tuen-  
dam, decorandam, amplificandam imperij  
Poloni maiestatem diuinitus oblatus. iacet  
facilissi-



seuissimâ vi morbi profligatus, cuius sapientiâ,  
 iustitia, virtute, æquitate clementia, Regnum  
 hoc defendendum erat, protegendum, atque  
 illustrandum. O flebiles exequiæ, & acerba  
 memoria omnium rerum! In hac vna vrbe il-  
 le tumulum habebit, qui prout cunctis erat  
 charissimus, si fieri posset, in omnibus prouin-  
 cijs, in omnibus Sarmatiæ ciuitatibus. pro  
 maiestate sua esset sepeliendus! Huic vni lo-  
 co mandabitur ille, cuius fama per terras om-  
 nes, per maria, longè lateque diffundebatur!  
 Sed finis sit; lachrymæ enim dolorq; acerbis-  
 simus scribenti intercipit stylum, & hic se la-  
 chrymis condecorari vetat. Ad Te poten-  
 tissime VLADISLAE Rex in eo ipso luctu ac  
 mærore communis Patriæ supplex tendit, ad  
 te mæsta confugit, tibi se tradit, tuam opem  
 implorat; tu spes eius Fratris tui morte debili-  
 tatas confirmes, tu salutem conserues, tu li-  
 bertatem eius legibus atq; armis, vt soles, for-  
 tissimè & felicissimè defendas. Tu verò stu-

E

preme




preme Pater, & Protector noster Deus omni-  
potens, remoue, precor, à penetralibus Regijs  
funesta funera; contine vim illam grauissimè  
dexteræ tuæ; ne addas, obsecro, calamito-  
sis afflictionem, ne vrgeas collapsos & prostra-  
tos flebili ægritudine: verùm excita consola-  
tionibus orbatos, recrea squallore confectos;  
vt quemadmodum is ALEXANDER in bea-  
tissimarum mentium concilio, in illo pleno  
syderum, & illustri loco cumulatur perpetuâ  
voluptate: ita nos Tibi in lætitia seruiamus,  
tibi gloriam exhibeamus, tuam experiamur  
benignitatem, tuo nostroque Regi clemen-  
tissimo, quàm diutissimè viuenti ac trium-  
phanti, alacribus atque erectis animis  
debita Subiectionis officia per-  
soluamus Dixi.

BIBLIOTH. UNIV.



JACELLONICAE



ni-  
gijs  
me  
to-  
ra-  
la-  
os;  
ea-  
no  
uā  
is,  
ur  
n-  
to  
li  
ni  
er  
ni  
ro  
d  
n



